



The Holy See

IOANNES PAULUS EPISCOPUS

SERVUS SERVORUM DEI

AD PERPETUAM REI MEMORIAM CONSTITUTIO APOSTOLICA **ODIENNENSIS*** IN LITORE EBURNEO NOVA
CONDITUR DIOECESIS ODIENNENSIS Ad aeternam provehendam salutem gregis Dominici in Litore Eburneo eiusque
regimini facilius et efficacius consulendum petitum est nuper ut in eadem Natione nova constituatur dioecesis.

Quapropter Venerabiles Fratres Nostri S.R.E. Cardinales atque Praesules, qui Congregationi pro Gentium
Evangelizatione sunt praepositi, omnibus mature perpensis auditoque pariter faventi voto Venerabilis Fratris Ianuarii
Bolonek, Archiepiscopi titulo Madaurensis atque in Litore Eburneo Apostolici Nuntii, admotam postulationem censuerunt
esse accipiendam. Nos igitur, Qui gravissimo fungimur munere supremi Pastoris universae catholicae Ecclesiae, talem
sententiam ratam habentes, summa Apostolica potestate haec decernimus. A Korhogoënsi hucusque dioecesi
separamus territorium districtus civilis, qui patrio sermone nuncupatur Odienné; a Manensi autem dioecesi seiungimus
territorium districtus civilis Touba; a Daloaënsi denique dioecesi distrahimus territorium districtuum civilium Séguéla et
Mankono; ex iisque novam condimus dioecesim *Odiennensem*, quam hoc ipso die constitutae metropolitanae Ecclesiae
Korhogoënsi suffraganeam facimus atque iurisdictioni Congregationis pro Gentium Evangelizatione subicimus, cuius
limites iidem erunt ac illi qui supra sunt definiti. Praeterea iubemus Episcopi sedem poni in urbe Odiéné atque templum
ibidem exstans, Deo in honorem sancti Augustini dicatum, ad dignitatem cathedralis ecclesiae evehimus; cetera vero
secundum canonicas leges temperentur. Quae praescripsimus perducet ad exitum Venerabilis Frater Ianuarius Bolonek,
quem diximus, qui que, re acta, curabit documenta exaranda sincerisque exemplis ad Congregationem pro Gentium
Evangelizatione cito mittenda. Hanc quidem Apostolicam Nostram Constitutionem nunc et in posterum ratam esse
volumus, contrariis quibuslibet rebus non obstantibus. *Datum Romae, apud S. Petrum, die undevicesimo mensis
Decembris, anno Domini millesimo nongentesimo nonagesimo quarto, Pontificatus Nostri septimo decimo.*

| | |
|---------------------------|---|
| ANGELUS card. SODANO | IOSEPHUS card. TOMKO |
| <i>Secretarius Status</i> | <i>Congr. pro Gentium Evang. Praef.</i> |

Eugenius Sevi, *Protonot. Apost.*

Angelus Lanzoni, *Protonot.*

Apost.

*A.A.S., vol. LXXXVII (1995), n. 6, pp. 538-539 © Copyright 1994 - Libreria Editrice Vaticana
